



Carta d'utilizacion del site web e consignas practicas per la publicacion en linha

Aquesta Carta d'utilizacion definís las règlas que s'impausan a quin utilizator que siá d'aqueste site web collaboratiu.

Cada utilizator reconeis d'aver legidas e acceptadas las règlas de foncionament del site definidas dins aquesta carta e dins la mencions legalas.

Aquesta carta se pòt actualizar a tot moment.

1. Mission e presentacion

L'objectiu d'aqueste site web es de publicar en linha de documents sonòres corts (2 minutas al mai) en diferentas lengas, enregistrats per de locutors natus (personas de lenga mairala).

Atencion : aqueste site non pòt pas juridicament albergar de documents eissits d'autres sites internet o de mèdias (ràdio, TV de totes païses) ja qu'aqueles documents son protegits per de dreits d'autor.

Los sols documents que pòt publicar aqueste site collaboratiu son d'enregistrements realizats dins l'encastre escolar, familiar o amical.

Los contenguts dels documents devon èsser en conformitat amb la lei e compatibles amb una utilizacion per de menors. Los documents sonòres meses a posita sus aqueste site son difusats amb l'acòrd de lors autors e son liures de dreits per una explotacion pedagogica non-comerciala. De cap de biais, se pòdon pas publicar sus d'autres sites.

Cada autor a lo dreit de demandar als responsables del site, quora que siá, de retirar sos documents.

2. Principi de foncionament del site collaboratiu

L'adreça del site es aquesta :

www.audio-lingua.eu .

L'accès se fa sens nom d'utilizator (Login) ni mot de gaita.

Tot utilizator pòt prepausar un contengut (enregistrement) al comitat de redaccion que, aprèp escota, s'encargar de lo classificar e de lo publicar.

Qual pòt prepausar de ressorsas ?

- Un professor de lenga que prepausa d'enregistrements de sos escolans o d'autres personas entrevistadas per l'escasença, a condicion de dispausar de las autorizacions de las ditas personas o de lors parents se s'agís menors.

- Una persona, quinas que sián son edat e sa foncion – mas los menors devon aver una autorizacion dels parents- que prepausa exclusivament los enregistrements de sa pròpria votz.

3. Format dels enregistrements

Cal que los enregistrements sián en format mp3 e d'una durada maximala de doas minutas.

Es important de s'assegurar de la qualitat dels enregistrements (volume sufisent, bruts de fons, saturacion).

Es indispensable de completar lo formulari de mandadís dins son integralitat.

Cal que lo comitat de redaccion pòsca identificar l'expedidor dins lo cas que seriá necessari de lo contactar.

Lo formulari prepausa dos camps « nom e prenom » dins lo cas que la votz enregistrada es la d'una altra persona que l'expedidor (per exemple un professor que manda diferents enregistrements).

Lo nom d'ostal dels menors jamai non es indicat sul site ; en general, lo nom d'ostal dels majors s'indica pas, levat se la persona o demanda d'una faïçon explicita.

L'utilizator a lo dreit de causir un pseudonime qu'apareisserà sul site.

L'expedidor balha tanben un brèu descriptiu de l'autor per lo presentar al public.

Las diferentas casas de seleccion permeton d'indexar la ressorsa pel motor de recèrca.

Pels tres cases (edat, durada, sèxe) , en mai de las casas correspondent a la ressorsa, cal seleccionar obligatòriament la casa « indiferent ».

Lo nivèl, segon lo CECRL, serà atribuït pel comitat de redaccion mas un professor lo pòt apondre se vòl, dins lo camp « descripcion de l'enregistrament ».

Dins lo camp « descripcion de l'enregistrament », se pòt escriure un resumit plan brèu de la ressorsa (tèmas evocats) per que lo comitat de redaccion pòsca atribuïr de mots claus tematics necessaris per facilitar la recèrca avançada de documents.

Lo comitat de redaccion d' Audio-Lingua